

**Denis Bećirović**

*Pitanje postavljeno Ministarstvu civilnih poslova BiH* – „Okvirni zakon o visokom obrazovanju u BiH u članu 60. stav 1. kaže da je obaveza visokoškolskih ustanova da usklade svoje statute s ovim zakonom u roku od šest mjeseci od dana stupanja na snagu pomenutog zakona.

Pitanje glasi: Ko vrši kontrolu usaglašavanja i šta će se preduzeti za one univerzitete ili nivoe vlasti ako nisu izvršili usaglašavanje zakona?“

*Pitanje postavljeno Vijeću ministara BiH i Ministarstvu civilnih poslova BiH* – „Umjetnička galerija BiH jedna je od najstarijih bosanskohercegovačkih institucija koja se bavi likovnom umjetnošću, osnovana je 1946. godine. Umjetnička galerija BiH se saopćenjem obratila bosanskohercegovačkoj javnosti u kojem se navodi: "Situacija u kojoj se Umjetnička galerija BiH nalazi proteklih 15 godina i koja je kulminirala zadnjih mjeseci primorala nas je da donesemo odluku da od 1. septembra 2011. zatvorimo za javnost.

Dakle, u vezi s tim postavljam sljedeće pitanje: Zašto Vijeće ministara BiH ignorira uništavanje ovakvih institucija koje su od državnog značaja za zaštitu i promociju kulture i likovne umjetnosti. Pitanje postavljam Vijeću ministara BiH i Ministarstvu civilnih poslova BiH i odgovor tražim u pisanoj formi.“